

KAMPANJA "ROZA TRAKICA"

Od 01.03.2002. godine djeluje GRUPA ZA SAMOPOMOĆ oboljelim od karcinoma (prva takve vrste u našem gradu). Grupa je u međuvremenu prerasla u Klub žena oboljelih od karcinoma dojke.

Ciljevi grupe, odnosno kluba su:

- pružanje pomoći oboljelim i liječenim od tumora da ostanu ravnopravni članovi/ce društva
- promovisanje ideje o svjesnosti očuvanja zdravih dojki
- podizanje zdravstvene svijesti građanstva o raku dojke
- poduzimanje inicijative za povećanje broja uređaja za pregled dojki (mamografskih aparata i ultrazvučnih uređaja)
- zagovaranje izmjene nepovoljne zakonske regulative vezane za prsnu protetiku i postoperativni tretman oboljelih od tumora
- izdavanje ili pomoć pri izdavanju brošura i ostalog promotivnog materijala koji služi u zdravstvenom odgoju građanstva u borbi protiv raka dojke
- organizovanje edukativnih i promotivnih događaja: predavanja, okruglih stolova, izložbi i sl.
- saradnja sa sličnim udruženjima širom Bosne i Hercegovine

Većina osoba oboljelih od karcinoma dobiva samo medicinsku pomoć dok njihove socijalne i psihološke potrebe ostaju neispunjene. Veliki problem je u slaboj obaviještenosti o posljedicama bolesti i mogućnosti življenja s njom. Veliki dio svojih potreba osobe sa zdravstvenim poteškoćama mogu ostvariti i ostvaruju u grupi za samopomoć, koju vodi naša članica koja ima lično iskustvo borbe sa karcinomom.

Potvrda prijateljstva i osjećaja pripadnosti grupi se najbolje oslikava kroz slijedeću priču: naša članica N.N. je došla u grupu poslije operacije dojke i sprovedene hemoterapije, nastavak liječenja je trebalo biti zračenje, koje se obavlja na klinici u Sarajevu. Pošto na klinici uglavnom nema mjesta naši pacijenti moraju naći privatni smještaj, koji sami financiraju, i odlaziti svakodnevno na zračenje; naša N.N. nije imala novac da to isfinansira jer je u toku rata ostala bez posla pa nije mogla nastaviti sa liječenjem. U to vrijeme su došli Art-terapeuti iz Holandije i kroz razgovor su saznali za taj problem, kratko poslije njihovog odlaska u Holandiju oni su poslali novac za nastavak liječenja naše N.N. Ona je i danas aktivna članica grupe. Osim toga članice naše grupe su pomogle N.N. da ostvari zakonsko pravo na invalidsku penziju bez koje je mogla vrlo lako ostati zbog nesređenog stanja u našoj zemlji u kojoj se te situacije ne završavaju automatizmom po stečenom pravu.

Rezultati našeg rada su:

- Održan niz humanitarnih prodajnih izložbi radova nastalih na našim kreativnim radionicama
- Održani brojni okrugli stolovi na temu prevencije karcinoma dojke (13 općina Tuzlanskog kantona), a rezultat je izmijenjena zakonska uredba u korist onkoloških pacijenata/ica
- promovisana je roza trakica (roza trakica je međunarodni simbol za borbu protiv raka dojke). U ovoj promociji nas je podržao poznati bosanskohercegovački glumac Enis Bešliagić.
- Aktivno smo učestvovali u pozitivnoj izmjeni zakonske uredbe o obimu prava osiguranih lica na korištenje ortopedskih pomagala koja se obezbjeđuju u Zavodu zdravstvenog osiguranja Tuzlanskog kantona;
- Obezbijedili smo preko 500 novih perika za potrebe onkoloških pacijentica Tuzlanskog kantona
- informisali smo javnost o izvršenim zakonskoj izmjenama i mogućnosti dobivanja perike na korištenje
- sačinili smo edukativnu brošuru o pregledu i samopregledu dojke, brošuru kako spriječiti mučninu kod hemoterapije, brošuru o zdravom načinu življenja, i iste distribuirali u nekoliko hiljada primjeraka
- izradili set promotivnog materijala (privjesak za ključeve sa roza trakicom, flajeri, pamfleti i sl.)
- dobili u donaciju skroman broj proteza dojke
- Postali smo članica Asocijacije udruženja oboljelih i liječenih od tumora dojke na nivou BiH
- Svakog aprila organizujemo akciju pod simboličnim nazivom "Dan narcisa" sa ciljem promovisanja ideje o svjesnosti očuvanja zdravih dojki. Tom prilikom animiramo istaknute javne ličnosti našeg grada da se aktivno uključe u ovu akciju koji su postali naši podržavajući članovi
- 2007. godine smo primili Plaketu Doma zdravlja Tuzla za izuzetnu saradnju, razumijevanje i zajednički prepoznate ciljeve u oblastima primarne zdravstvene zaštite, te nesebično zalaganje i podršku u projektima primarne zdravstvene zaštite





Sponzori koji su podržavali ili podržavaju naš rad su:

DIDACO SHOP

HT ERONET

VOLKSBANK

Dom zdravlja Živinice

FORTUNA Gračanica

MAPEX Živinice

MI-BOSPO Tuzla

SOLANA TUZLA

PLASTEKS Gračanica

BH Telecom

VARIPLAST Gračanica

UMEL DALEKOVODMONTAŽA D.O.O.